



XALQ DEPUTATLARI BULUNG'UR TUMAN KENGASHINING QARORI

2022 - yil 14 - oktabr

VI-71-168-7-93-K/22

Bulung'ur tuman hokimligi

2022-yilda jamoatchilik fikri asosida shakllantirilgan tadbirlarni moliyalashtirishga yo'naltirilgan mablag'lar va bajarilgan ishlar yuzasidan tuman ishchi guruhining 3-chorak hisoboti to'g'risida

O'zbekiston Respublikasi Prezidentining 2021-yil 13-aprelda "Budget jarayonida fuqarolarning faol ishtirokini ta'minlash bo'yicha qo'shimcha chora-tadbirlar to'g'risida"gi PQ-5072-sonli qarori va O'zbekiston Respublikasi Oliy Majlisi Senati Kengashining 2021-yil 22-apreldagi "Mahalliy budget mablag'lari sarflanishida jamoatchilik ishtirokini ta'minlash to'g'risida"gi KQ-213-IV-sonli qarori hamda O'zbekiston Respublikasi Prezidentining 2021-yil 22-sentabrdagi "Ochiq budget" axborot portali orqali jamoatchilik fikri asosida shakllangan tadbirlarni moliyalashtirishni yanada kengaytirish chora-tadbirlari to'g'risidagi PQ-5250-sonli qarorining ijrosini ta'minlash maqsadida, tuman hokimligi moliya bo'limi mudiri Narziyev Jamshid Sattarovichning hisobotini inobatga olib, "O'zbekiston Respublikasi "Mahalliy davlat hokimiyati to'g'risida"gi O'zbekiston Respublikasi Qonunining 24-moddasiga muvofiq xalq deputatlari Bulung'ur tuman Kengashining yetmish birinchi sessiyasi

QAROR QILADI:

1. 2022-yilda jamoatchilik fikri asosida shakllantirilgan tadbirlarni moliyalashtirishga yo'naltirilgan mablag'lar va bajarilgan ishlar yuzasidan tuman hokimligi moliya bo'limi mudiri J.Narziyevning 3-chorak hisoboti ma'lumot uchun qabul qilinsin.

2. Tuman ishchi guruhining jamoatchilik fikri asosida shakllantirilgan tadbirlarni moliyalashtirishga yo'naltirilgan mablag'lar va bajarilgan ishlar

to'g'risidagi hisoboti 1-ilovaga muvofiq tasdiqlansin.

3. Tashabbusli budjetlashtirish bo'yicha ma'lumotlar 2-3-ilovaga muvofiq tasdiqlansin.

4. Fuqarolar tashabbusi jamg'armasi mablag'larini shakllantirilishi yuzasidan ma'lumot 4-ilovaga muvofiq tasdiqlansin.

5. Fuqarolar tashabbusi jamg'armasidan jamoatchilik fikri asosida shakllantirilgan (g'olib deb topilgan) tadbirlarni moliyalashtirish uchun yo'naltirilgan mablag'lar yuzasidan ma'lumot 5-ilovaga muvofiq tasdiqlansin.

6. Tuman hokimligi moliya bo'limining 2022-yil iyul-sentabr oyida bo'lib o'tgan "Ochiq budjet" jarayonida "Fuqarolar tashabbusi jamg'armasi" shaxsiy g'azna hisobvarag'iga yo'naltiriladigan mablag'lar miqdori bo'yicha taklifi ma'qullansin va 6-ilovaga muvofiq tasdiqlansin.

7. Xalq deputatlari tuman Kengashi deputatlariga jamoatchilik fikri asosida shakllantirilgan (g'olib deb topilgan) tadbirlarni moliyalashtirish uchun yo'naltirilgan mablag'larni ishlatilishi, bajarilayotgan ishlarni doimiy ravishda nazorat qilib borish tavsiya etilsin.

8. Tuman hokimligi axborot xizmati (A.Jabborov), "Bulung'ur hayoti" gazetasi (G'.O'rolov)larga tuman ishchi guruhi hisobotidan keng jamoatchilikni xabardor etish vazifasi yuklatilsin.

9. Mazkur qarorning ijrosini nazorat qilish xalq deputatlari Bulung'ur tuman Kengashining Mahalliy budjetni shakllantirish va uni ijro etish, iqtisodiy islohotlarni amalga oshirish hamda tadbirkorlikni rivojlantirish masalalari bo'yicha doimiy komissiyasi (M.Nomazov) hamda ijrosini ta'minlash tuman hokimining birinchi o'rinbosari D.Xabibullayev zimmasiga yuklansin.

Kengash raisi



S.Astonov

Xalq deputatlari Bulung'ur tuman
Kengashining
2022 yil 14 oktabrdagi
VI-71-168-7-93-K/22-son qaroriga
1-ilova

**Tuman ishchi guruhining 2022-yilda jamoatchilik fikri asosida
shakllantirilgan tadbirlarni moliyalashtirishga yo'naltirilgan mablag'lar va
bajarilgan ishlar to'g'risidagi 3-chorak hisoboti**

O'zbekiston Respublikasi Prezidentining 2021-yil 13-apreldagi "Budjet jarayonida fuqarolarning faol ishtirokini ta'minlash bo'yicha qo'shimcha chora-tadbirlar to'g'risida"gi PQ-5072-sonli qarori hamda va O'zbekiston Respublikasi Oliy Majlisi Senati Kengashining 2021-yil 22-apreldagi "Mahalliy Budjet mablag'lari sarflanishida jamoatchilik ishtirokini ta'minlash to'g'risida"gi KQ-213-IV-sonli qarorlariga asosan O'zbekiston Respublikasi Moliya vazirligi "Ochiq budjet" axborot portalini ishga tushirdi.

"Ochiq budjet" portalining tashkil etilishidan maqsad bevosita fuqarolar tashabbus va talablarini inobatga olgan holda hududlardagi kamchiliklarni bartaraf etishdan iborat.

Fuqarolar tomonidan bildirilgan takliflarni amalga oshirish uchun tuman hokimligida "Fuqarolar tashabbusi jamg'armasi" shaxsiy g'azna hisobvarag'i shakllantirildi. Ushbu jamg'armaga O'zbekiston Respublikasi Prezidentining 2018-yil 22-avgustdagi "Budjet ma'lumotlarining ochiqligini va budjet jarayonida fuqarolarning faol ishtirokini ta'minlash chora-tadbirlari to'g'risida"gi PQ-3917-sonli qaroriga asosan 2022-yil tuman budjetining tasdiqlangan umumiy xarajatlarining 5 foizi yanvar oyida 4295.3 mlrd.so'm, iyul oyida 4291.7 mlrd.so'm, 2022-yil 1-yanvar holatiga erkin qoldiq mablag'larining 30 foizi 1725.5 mlrd.so'm, 2022-yil 1-chorak daromadlar rejasini oshirib bajarilgan qismining 30 foizi 683.5 mln.so'm 2-chorak daromadlar rejasini oshirib bajarilgan qismining 30 foizi 601.9 mln.so'm 3-chorak daromadlar rejasini oshirib bajarilgan qismining 30 foizi 738 mln.so'm mablag'lar xalq deputatlari tuman Kengashining qarorlariga asosan o'tkazilishi ta'minlandi.

"Ochiq budjet" axborot portalini 1-mavsumi 3 bosqichda amalga oshirildi:

1-bosqich. Fuqarolar tomonidan "Ochiq budjet" axborot portaliga loyiha takliflari joylashtirildi. Bu jarayon joriy yilning 1-fevraldan 22-fevralgacha davom etdi. Fuqarolar tomonidan shu vaqt oralig'ida 418 ta takliflar kelib tushdi.

2-bosqich. O'zbekiston Respublikasi Oliy Majlisi Senati Kengashining

2021-yil 22-apreldagi “Mahalliy budget mablag‘lari sarflanishida jamoatchilik ishtirokini ta‘minlash to‘g‘risida”gi KQ-213-IV-sonli qarori va bu boradagi xalq deputatlari tuman Kengashining 2021-yil 23-apreldagi “Mahalliy budget mablag‘lari sarflanishida jamoatchilik ishtirokini ta‘minlash to‘g‘risida”gi 189/31-sonli qarori bilan tuman hokimligida tuzilgan ishchi guruh fuqarolar tomonidan “Ochiq budget” axborot portaliga joylashtirilgan loyihalarni mezon me‘yorlariga asosan tanlab olishdi. Jarayon joriy yilning 23-fevraldan 4-martgacha davom etdi. Bunda ishchi guruh tomonidan takliflarning mezonga mosligi va taklif loyihalarining summasiga aniqlik kiritildi. Ushbu jarayonda ishchi guruh tomonidan qiymati 46,3 mlrd so‘mlik 111 ta takliflar ovoz berish uchun yakuniy bosqichga o‘tkazildi va taklif mualliflarining shaxsiy kabinetiga takliflari ovoz berish uchun qabul qilinganligi to‘g‘risida xabarnomalar yuborildi. Qolgan 307 ta taklif mezon talablariga to‘g‘ri kelmaganligi va bir-birini takrorlaganligi hamda taklifning amalga oshirish qiymati bazaviy hisoblash miqdorining 4 ming barobaridan oshganligi sababli rad javobi berildi va taklif bergan fuqarolarning shaxsiy kabinetiga rad etishning sabablari to‘g‘risida xabarnomalar yuborildi.

3-bosqich. Ishchi guruh tomonidan mezon me‘yorlariga asosan tanlab olingan loyihalar “Ochiq budget” axborot portaliga ovoz berish uchun joylashtirildi. Jarayon joriy yilning 5-martdan 4-aprelgacha davom etdi. Bu jarayonda tumanimizning 31620 dan ortiq fuqarolari o‘zlariga ma‘qul bo‘lgan taklifga ovoz berib faol ishtirok etishdi.

Yakuniy xulosa ovozlar soniga ko‘ra, yuqoridan pastga tamoyili asosida shuningdek “Fuqarolar tashabbusi” jamg‘armasida shakllangan mablag‘lar hajmidan kelib chiqib aniqlandi. Bunda eng ko‘p ovoz to‘plagan 7 ta taklif g‘olib deb topildi.

Xalq deputatlari tuman Kengashining 2022-yil 12-apreldagi IV-60-76-7-93-K/22-sonli qarori bilan “Fuqarolar tashabbusi” jamg‘armasida shakllangan mablag‘lar hisobidan 1-o‘rin Alisher Navoiy mahallasidagi 69-maktabni rekonstruksiya qilish uchun 1,0 mlrd.so‘m mablag‘lar ajratildi. Davlat xaridlari portalidan “Bulung‘ur Asr Qurilish” MChJ tomonidan yutib olinib, 835.5 mln.so‘mlik ishlar bajarildi va ishlar yakunlandi. 2-o‘rin “Changal-1” MFY hududida joylashgan Eshon qishloq ichidan O‘roqli mahallasi Olqortepa qishlog‘i kesishmasigacha bo‘lgan 1,7 km ichki yo‘lni asfalt qilish uchun 950,0 mln so‘m mablag‘lar ajratildi. Davlat xaridlari portalidan “Sam Shoxinur Qurilish” MChJ tomonidan yutib olinib, 937.5 mln so‘mlik ishlar bajarildi va ishlar yakunlandi. 3-

o‘rin “Kaptarxona” mahallasi Qirqahmad qishlog‘idagi (yuqori ovul) ichki yo‘lni asfalt qilish uchun 500,0 mln so‘m mablag‘lar ajratildi. Davlat xaridlari portalidan “Sam Shoxinur Qurilish” MChJ tomonidan yutib olinib, 494.6 mln so‘mlik ishlar bajarildi va ishlar yakunlandi. 4-o‘rin “Bulung‘urariq” mahallasi 51-sonli maktabning sport maydonida bolalarni sog‘lom turmush tarziga va sport bilan shug‘ullanishga targ‘ib qilish ishlarini yanada takomillashtirish uchun 900,0 mln.so‘m mablag‘lar ajratildi. Davlat xaridlari portalidan “Bulung‘ur Asr Qurilish” MChJ tomonidan yutib olinib 760.7 mln so‘mlik ishlar bajarildi va ishlar yakunlandi. 5-o‘rin “Nebo‘sa” mahallasi Nebo‘sa qabristoniga olib boradigan ichki yo‘lni asfaltlashtirish uchun 999,0 mln so‘m mablag‘lar ajratildi. Davlat xaridlari portalidan “Sam Shoxinur Qurilish” MChJ tomonidan yutib olinib, 981.6 mln.so‘mlik ishlar bajarildi va ishlar yakunlandi. 6-o‘rin Bulung‘urariq” MFYning Jomonjor qishlog‘i Do‘ngi ovul aholisini toza ichimlik suvi bilan ta‘minlash maqsadida suv qudug‘i hamda tarmoqlarni joriy etish uchun 490,0 mln so‘m mablag‘lar ajratildi. Davlat xaridlari portalidan “Universal Inshoat Stroy” MChJ tomonidan yutib olinib, 155.5 mln so‘mlik ishlar bajarildi va ishlar davom etmoqda. 7-o‘rin “Bulung‘urariq” Jomonjor qishlog‘i Pastki ovuldan o‘tuvchi qabristonga olib boruvchi 1,2 km ichki yo‘lni asfalt qilish uchun 550,0 mln so‘m mablag‘lar ajratildi. Davlat xaridlari portalidan “Sam Shoxinur Qurilish” MChJ tomonidan yutib olinib, 539.0 mln.so‘mlik ishlar bajarildi va ishlar yakunlandi.

“Ochiq budjet” axborot portalida 2-mavsumi 3 bosqichda amalga oshirildi:

1-bosqich. Fuqarolar tomonidan “Ochiq budjet” axborot portaliga loyiha takliflari joylashtirildi. Bu jarayon joriy yil 15-iyuldan 3-avgustgacha davom etdi. Fuqarolar tomonidan shu vaqt oralig‘ida 171 ta takliflar kelib tushdi.

2-bosqich. O‘zbekiston Respublikasi Oliy Majlisi Senati Kengashining 2021-yil 22-apreldagi “Mahalliy Budjet mablag‘lari sarflanishida jamoatchilik ishtirokini ta‘minlash to‘g‘risida”gi KQ-213-IV-sonli qarori va bu boradagi xalq deputatlari tuman Kengashining 2021-yil 23-apreldagi “Mahalliy budjet mablag‘lari sarflanishida jamoatchilik ishtirokini ta‘minlash to‘g‘risida”gi 189/31-sonli qarori bilan tuman hokimligida tuzilgan ishchi guruh fuqarolar tomonidan “Ochiq budjet” axborot portaliga joylashtirilgan loyihalarni mezon me‘yorlariga asosan tanlab olishdi. Jarayon joriy yil 4-avgustdan 23-avgustgacha davom etdi. Bunda ishchi guruh tomonidan takliflarning mezonga mosligi va taklif loyihalarining summasiga aniqlik kiritildi. Ushbu jarayonda ishchi guruh

tomonidan qiymati 104,4 mlrd so‘mlik 143 ta takliflar ovoz berish uchun yakuniy bosqichga o‘tkazildi va taklif mualliflarining shaxsiy kabinetiga takliflari ovoz berish uchun qabul qilinganligiga to‘g‘risida xabarnomalar yuborildi. Qolgan 28 ta taklif mezon talablariga to‘g‘ri kelmaganligi va bir-birini takrorlaganligi hamda taklifning amalga oshirish qiymati bazaviy hisoblash miqdorining 4 ming barobaridan oshganligi sababli rad javobi berildi va taklif bergan fuqarolarning shaxsiy kabinetiga rad etishning sabablari to‘g‘risida xabarnomalar yuborildi.

3-bosqich. Ishchi guruh tomonidan mezon me‘yorlariga asosan tanlab olingan loyihalar “Ochiq budjet” axborot portaliga ovoz berish uchun joylashtirildi. Jarayon joriy yil 24-avgustdan 17-sentabrgacha davom etdi. Bu jarayonda tumanimizning fuqarolari o‘zlariga ma‘qul bo‘lgan taklifga ovoz berib faol ishtirok etishdi.

Yakuniy xulosa ovozlar soniga ko‘ra, yuqoridan pastga tamoyili asosida shuningdek, “Fuqarolar tashabbusi” jamg‘armasida shakllangan mablag‘lar hajmidan kelib chiqib aniqlandi. Bunda eng ko‘p ovoz to‘plagan 11 ta taklif g‘olib deb topildi. “Fuqarolar tashabbusi jamg‘armasiga” jamoatchilik fikri asosida shakllantirilgan tadbirlarni moliyalashtirish uchun jami 9 823.0 mlrd.so‘m mablag‘lar yo‘naltirildi.

Xalq deputatlari tuman Kengashining 2022-yil 30-sentabrdagi IV-70-165-7-93-K/22-sonli qarori bilan “Fuqarolar tashabbusi” jamg‘armasida shakllangan mablag‘lar hisobidan 1-o‘rin G‘o‘bdin mahallasidagi G‘o‘bdin oilaviy shifokorlik punktini joriy ta‘mirlash 4419 ta ovoz, taklif summasi 500.0 mln.so‘m. 2-o‘rin “Kichik Kildon” MFY hududidagi 42-maktabning 4 ta sinf xonasini jihozlash 3520 ta ovoz, taklif summasi 600.0 mln.so‘m. 3-o‘rin “Esonturdi” mahallasi Zarafshon qishlog‘ining 1,0 km ichki yo‘lini asfalt qilish 3458 ta ovoz, taklif summasi 500.0 mln.so‘m. 4-o‘rin “O‘roqli” MFY Olqartepa qishlog‘i Sardoba ko‘chasini asfalt qilish 3444 ta ovoz, taklif summasi 800.0 mln.so‘m. 5-o‘rin “Oqtepa” MFY hududidagi ichki yo‘lini asfalt qilish 3186 ta ovoz, taklif summasi 900.0 mln.so‘m. 6-o‘rin “Elobod” MFYdagi Chagalpayon qishlog‘ining ichki yo‘lini asfalt qilish 3094 ta ovoz, taklif summasi 1.2 mlrd.so‘m. 7-o‘rin “Bulung‘ur” MFYdagi tuman istirohat bog‘ini yanada obodonlashtirish ko‘kalamzorlashtirish 3093 ta ovoz, taklif summasi 1.2 mlrd.so‘m. 8-o‘rin “Chagal-1” MFYdagi Yuqori Chagal qabristoni yonidan o‘tuvchi va Yuqori Chagal qishlog‘i ichki yo‘lini 2.1 km asfalt qoplamasi bilan qoplash 3090 ta ovoz, taklif summasi 1.2 mlrd.so‘m. 9-o‘rin “Chagal-1” MFYdagi Eshon qishloq axolisi

uchun 250 klavlatli transformator, 150 dona beton stolba va 5000 metr kabel xarid qilish 3007 ta ovoz, taklif summasi 550.0 mln.so‘m. 10-o‘rin “Suluvqo‘rg‘on” MFYdagi Uyas qishlog‘ini Qoroshqi qishlog‘iga bog‘lovchi yo‘lni asfalt qilish 2948 ta ovoz, taklif summasi 1,0 mlrd.so‘m. 11-o‘rin “Bulung‘urariq” mahallasi Jomonjar qishlog‘idagi 51-sonli maktabga olib keluvchi 4k-518 yo‘l chekka qismidan ya’ni Erganakli qishlog‘i tugashidan Changal-1 mahallasigacha bo‘lgan masofada piyodalar yo‘lakchasi qurish 2923 ta ovoz, taklif summasi 1.2 mlrd.so‘mni tashkil etmoqda. Jami 11 ta taklif uchun alohida 4017 hisob raqamlar ochilib, 9 650.0 mlrd.so‘m mablag‘lar moliyalashtirildi.

Tashabbusli budjetlashtirish jarayonini amalga oshirish mexanizmi va uning mohiyatini aholi o‘rtasida tizimli ravishda keng yoritib borilishini ta’minlash maqsadida tuman hokimligi moliya bo‘limi tomonidan tuman hokimligining rasmiy veb-saytida o‘ndan ortiq maqola va video ro‘liklar joylashtirildi hamda “Bulung‘ur hayoti” gazetasida maqolalar chop etildi va bajarilgan ishlar natijasi bo‘yicha ommaviy axborot vositalarida yoritilishi ta’minlandi.

Xalq deputatlari Bulung'ur tuman
Kengashining
2022 yil 14 oktabrdagi
VI-71-168-7-93-K/22-son qaroriga
2-ilova

“Budget jarayonining ochiqligini
ta'minlash maqsadida rasmiy veb-
saytlarda ma'lumotlarni
joylashtirish tartibi to'g'risida”gi
nizomga

16-ilova

Tashabbusli budjetlashtirish bo'yicha

MA'LUMOT

Bulung'ur tumani

2022-yil oktabr
1-jadval

T/R	Ko'rsatkich nomi	Summa (ming so'm)
1	Yil boshiga qoldiq	4157.3
2	Fuqarolar tashabbusi jamg'armasiga o'tkazilgan mablag'lar	11 597.8
3	Jamoatchilik fikri asosida shakllantirilgan (g'olib deb topilgan) tadbirlarni moliyalashtirish uchun yo'naltirilgan mablag'lar	15239.0
3.1	Tadbirlarni amalga oshirayotgan pudratchi tashkilotlarga bajarilgan ishlar uchun to'langan mablag'lar	4705.7
3.2	Tadbirlarni moliyalashtirishga ajratilgan, biroq pudratchi tashkilotlarga to'lab berilmagan qoldiq mablag'lar	683.3
4	Fuqarolar tashabbusi jamg'armasidagi qoldiq mablag'lar	172.7

Xalq deputatlari Bulung'ur tuman
Kengashining
2022 yil 14 oktabrdagi
VI-71-168-7-93-K/22-son qaroriga
3-ilova

“Budget jarayonining ochiqligini ta'minlash
maqsadida rasmiy veb-saytlarda ma'lumotlarni
joylashtirish tartibi to'g'risida”gi nizomga

16-ilova

Tashabbusli budjetlashtirish bo'yicha MA'LUMOT

Bulung'ur tumani

2022-yil oktabr
2-jadval

T/R	Bajarilgan tadbirlar nomi	Moliyalashtirilgan takliflar soni	Ko'rsatkichlar		
			o'lchov birligi	miqdori	sarflangan mablag'lar (ming.so'm)
1	Hududiy ichki yo'llar	10	umumiy uzunligi km	8 599.0	2 952.7
2	Umumta'lim maktablarini ta'mirlash va jihozlash	3	soni	2 500.0	1 597.0
3	Maktabgacha ta'lim muassasalarini ta'mirlash va jihozlash	0	soni	0	0
4	Sog'liqni saqlash muassasalarini ta'mirlash va jihozlash	1	soni	500	0
5	Boshqa ijtimoiy muassasalarni ta'mirlash va jihozlash	0	soni	0	0
6	Ichimlik suvi ta'minotini yaxshilash	1	umumiy uzunligi	490	155.5
7	Ko'cha chiroqlarini o'rnatish	0	chiroqlar soni	0	0
8	Obodonlashtirish va ko'kalamzorlashtirish	1	tadbirlar soni	1200	0
9	Boshqa tadbirlar	2	soni	1750.0	0
Jami		18	X	15 039.0	4 705.2

Xalq deputatlari Bulung'ur tuman
Kengashining
2022 yil 14 oktabrdagi
VI-71-168-7-93-K/22-son qaroriga
4-ilova

Fuqarolar tashabbusi jamg'armasi mablag'larini shakllantirishi yuzasidan

MA'LUMOT

Bulung'ur tuman

oktabr 2022 yil

T/r	Fuqarolar tashabbusi jamg'armasi mablag'larini shakllantirish manbalari		Fuqarolar tashabbusi jamg'armasiga yo'naltirilishi lozim bo'lgan mablag'lar				Fuqarolar tashabbusi jamg'armasiga haqiqatda o'tkazilgan mablag'lar	Farqi	Izoh
			1-chorak	2-chorak	3-chorak	4-chorak			
1.	Tuman (shahar) budjetining tasdiqlangan umumiy xarajatlarining 5 foiz qismi miqdorida ajratiladigan mablag'lar		4295,3	4291.7	0	0	8587.0	0	0
2.	Tuman (shahar) budjetining qo'shimcha manbalarining 30 foizi miqdorida ajratiladigan mablag'lar		2408.9	601.9	0	0	3010.8	0	0
2.1.	Shu jumladan	erkin qoldiq mablag'lari (30%)	1725,5	0	0	0	1725,5	0	0
2.2.		daromadlarning hisobot choraklari yakunlari bo'yicha aniqlanadigan prognozdan oshirib bajarilgan qismi (30%)	683,4	601.9	0	0	1285.3	0	0
2.3.		davlat daromadiga o'tkazilgan mol-mulkni realizatsiya qilishdan tushgan tushumlar	0	0	0	0	0	0	0
2.4.		elektron savdo maydonchasida yer uchastkalariga bo'lgan huquqlarni sotishdan tushgan mablag'lar	0	0	0	0	0	0	0
2.5.		budjetdan ajratiladigan mablag'lar kamaytirilishi natijasida bo'shab qolgan mablag'lar	0	0	0	0	0	0	0
3.	Jami ajratiladigan mablag'lar		6704.2	4893.6	0	0	11597.8	0	0

Xalq deputatlari Bulung'ur tuman Kengashining
2022 yil 14 oktabrdagi
VI-71-168-7-93-K/22-son qaroriga
5-ilova

Tashabbusli budjetlashtirish natijalari
bo'yicha ma'lumotga
1-ilova

“Fuqarolar tashabbusi jamg'armasi”dan jamoatchilik fikri asosida shakllantirilgan (g'olib deb topilgan) tadbirlarni moliyalashtirish uchun yo'naltirilgan mablag'lar yuzasidan

MA'LUMOT

Bulung'ur tumani

2022-yil oktabr

T/R	Tadbirning xos raqami (ID)	Jami to'plan-gan ovozlar	Shundan			Tadbirning qisqacha mazmuni (sohasi)	Tadbirning moliyalashtirilishi (ming so'm)					
			onlayn ovozlar	oflayn ovozlar	SMS orqali		Tadbirni moliyalashtirish uchun ochilgan hisobvaraqlar	Tadbirning fuqaro tomonidan kiritilgan dastlabki qiymati	Tadbirni amalga oshirish qiymati	Ajratilgan mablag'lar	Bajarilgan ishlar uchun to'lab berilgan mablag'lar	Qoldiq mablag'lar
1.	1070600081	4419	0	0	4419	G'o'bdin oilaviy shifokorlik punktini joriy ta'mirlash	401722860182067013990018008	500	500	500	0	500
2.	1070600145	3520	0	0	3520	42-maktabning 4 ta sinf xonasini jihozlash	401722860182067092100075006	600	600	600	0	600
3.	1070600039	3458	0	0	3458	Asfalt yotqazish	401722860182067065200110015	500	500	500	0	500
4.	1070600009	3444	0	0	3444	Asfalt yotqazish	401722860182067065200110017	800	800	800	0	800
5.	1070600090	3186	0	0	3186	Asfalt yotqazish	401722860182067065200110011	900	900	900	0	900

6.	1070600089	3094	0	0	3094	Asfalt yotqazish	401722860182067065200110012	1200	1200	1200	0	1200
7.	1070600043	3093	0	0	3093	Istirohat bog'ini obodonlashtirish	401722860182067013990018009	1200	1200	1200	0	1200
8.	1070600146	3090	0	0	3090	Asfalt yotqazish	401722860182067065200110010	1200	1200	1200	0	1200
9.	1070600171	3007	0	0	3007	Transformator, beton stolba, kabel xarid qilish	401722860182067013990018008	550	550	550	0	550
10.	1070600045	2948	0	0	2948	Asfalt yotqazish	401722860182067013990018014	1000	1000	1000	0	1000
11.	1070600031	2943	0	0	2943	Piyodalar yo'lakhasini qurish	401722860182067013990018016	1200	1200	1200	0	1200
Jami		36182	0	0	36182	X	X	9 650.0	9650.0	9 650.0	0	9650.0

Xalq deputatlari Bulung'ur tuman Kengashining
2022 yil 14 oktabrdagi
VI-71-168-7-93-K/22-son qaroriga
6-ilova

**Tuman hokimligi moliya bo'limining 2022-yil fevral va avgust oylarida bo'lib o'tadigan
"Ochiq budjet" jarayonida "Fuqarolar tashabbusi jamg'armasi" shaxsiy g'azna
hisobvarag'iga yo'naltiriladigan mablag'lar miqdori bo'yicha ma'lumoti**

Bulung'ur tuman		2022-yil oktabr
T/R	"Fuqarolar tashabbusi jamg'armasi" mablag'larini shakllantirish manbalari	So'mma (ming so'm)
1	Yil boshiga qoldiq	4157.3
2	Tuman budjetining tasdiqlangan umumiy xarajatlarining foiz qismi miqdorida ajratiladigan mablag'lar	5 8587
3	2022-yil 1-yanvar holatiga shakllangan erkin qoldiq mablag'larining 30 foizi miqdorida ajratiladigan mablag'lar	3010.8
4	Bajarilgan ishlardan iqtisod qilingan mablag'lar	1376.5
Jami		17131.6